

徐泗谿先生十三種

蘭臺軌範卷七

目錄

小金丹方

還魂湯

又方

外臺走馬湯

雄黃粉

治瘰方

辟瘟殺鬼丸

八毒赤丸以上疫癘鬼瘧

茵陳蒿湯

消石礬石散

梔子大黃湯

桂枝加黃耆湯

猪膏髮煎

茵陳五苓散

大黃硝石湯

麻黃醇酒湯

黃疸方

赤苓散

寒水石散

女勞疸

牛疸煎

救急三十二種黃方

療黃疸方

近效瓜蒂散

麻黃連翹赤小豆湯

黃耆芍藥桂枝苦酒湯以上諸疸

半夏秫米湯

半夏麻黃丸

桂枝救逆湯

黃連阿膠湯

酸棗仁湯

溫膽湯

治多忘

枕中方

鎮心省散益智方

治虛煩不可攻方

以上情志臥夢

補腎治五鼈方

從蓉丸

麝香佛手睡

磁石猪腎羹

通耳法以上耳

七寶散

去腎方

補肝丸

磁硃丸

石斛光夜丸

羚羊角散

蟬花散

洗眼藥以上目

通草散

飄鼻方

消鼻痔方

凌霄花散

蒼耳散

治鼻淵方

又方

又方

鼻中瘕肉以上鼻

口甘方

口苦方

療口瘡

推頰車法

口氣鼻穢方

口中臭方

口香去臭方

治緊唇方

又方

塗唇方

刺舌方

療舌腫方

又方

治重舌

治舌脹方

治舌腫脹

治失音

治馬喉痺

琥珀犀角膏

喉腫刺法

口傍惡瘡方

敷面靨方

又方

止牙痛方

治牙痛仙方

治牙疼方

如神散

細辛散以上口齒

蘭臺軌範卷七

吳江徐靈胎洞溪著

疫癘鬼症

素問

遺篇刺法論黃帝曰余聞五疫之至皆相染易無問大小病狀相似不施救療如何可得不相移易者岐伯曰不相染者止氣存內邪不可干避其毒氣天牝從來天牝內經注云鼻也至虛龍受天地之氣故曰天牝欲其來往出入復得其性氣出於腦即不邪干氣出於腦即先想心如日欲將入於疫室先想青氣自肝而出左行於東化作林木次想白氣自肺而出右行於西化作戈甲次想赤氣自心而出南行於上化作焰明次想黑氣自腎而出北行於下化作水次想黃氣自脾而出存於中央化作土五氣護身已畢以想頭上如北斗之煌煌然後可入於疫室又一法於春分之日日未出而吐之又一法於雨水日後三浴以藥泄汗

病源

一歲之內節氣不和寒暑乖候或有暴風疾雨霧露不散則民多疾疫無長少卒皆相似如有鬼厲故云疫癘中惡精神衰弱爲鬼神之氣卒中卒然心腹刺痛悶亂欲死凡卒中惡腹大而滿者診其脈緊大而浮者死緊細而浮者生又中惡吐血數升脈沉數細者死浮焱如疾者生脈大段如此亦不可泥卒然吐血多者多係中惡莫作吐血治尸厥陰陽逆也其狀如死猶微有息而不恆脈尙動而形無知也脈沉大而滑身溫而汗此爲入腑氣復自愈若唇青身冷此爲入臟即死

鬼擊謂鬼癘之氣擊著於人也得之無漸如人以刀矛持刺狀胸脇腹內絞急切痛不可抑按或吐血或鼻中出血或下血一名爲鬼排重者死

卒覺魂魄外遊爲他邪所執欲還未得忌火照之照則神魂遂不復入乃死若在燈光前覺者是本由明出

不忌火

三尸諸蟲 其蟲與人俱生而此蟲忌血能與鬼靈相通接引外邪爲人患害其發作之狀或沉沉默默不知所苦而無處不惡或腹痛脹急或礫塊踊起或擊引腰脊或精神雜錯變狀多端其病大同小異但以一方治之者故名諸尸也

尸注 是五尸內之尸注而挾外鬼邪之氣流注身體令人無處不惡每節氣改變輒至大惡積月累年漸就頓滯以至於死死後復易旁人乃至滅門以其尸病注易旁人故謂尸注

喪尸 人有年命衰弱至於喪死之處心意有所畏惡其身內尸蟲性既忌惡便更接引外邪共爲疹病其發亦心腹刺痛脹滿氣急但逢喪處其病則發故謂之喪尸

尸氣 人有觸值死尸或臨尸其尸氣入腹內與尸蟲相接成病其發亦心腹刺痛脹滿氣急但聞尸氣則發故謂之尸氣

諸注 謂邪氣居住人身內故名爲注又注易旁人也乃有三十六種九十九種而方皆不顯其名所載有風鬼轉生死邪氣寒熱冷蟲毒惡忤遺走溫喪哭殃食水骨血溫痺勞微泄石產土飲以上諸注皆正氣虛而邪氣傳綿也與諸尸病相近

又此九種注

一日風注 二日寒注 三日氣注 四日生注 五日涼注 六日酒注 七日食注

八日水注 九日尸注

疫癘方

小金丹方

辰砂二兩

水磨雄黃一兩 叶子蟾蜍一兩 紫金中兩 磨以金細同

同入合中外固了地一尺築地實不

蠟不須藥制用火二十斤燬之也七日終俗令火不絕候冷七日取次日出合子合子即蠟取出順日研之順日研之

三日煉白沙蜜爲丸如梧子大每日望東吸日華氣一口冰水下一丸和氣咽之服十粒無疫干也

還魂湯 金匱 救卒死客忤死

麻黃 三兩去節 杏仁七十个 甘草一兩炙干金 右三味水八升煮取三升去渣分令咽之通治諸感忤 干

金方云此方主卒忤鬼擊飛尸諸奄忽氣絕復甦或已無脈口禁拘不開去齒下湯湯入口不下者分病人

髮左右足踏肩引之藥下復增取一升須臾立甦

又方

韭根一把 烏梅二十个 吳茱萸 半升 右三味以水一斗煮之以病人櫛內中三沸櫛浮者生沉者死

煮取三升去渣分飲之

外臺走馬湯 金匱 附方 治中惡心痛腹脹大便不通并通治飛尸鬼擊

巴豆 二枚去皮心 杏仁二枚 右二味以綿纏搗令碎熱湯二合捻取自然汁飲之當下者小量之

雄黃粉 千金 治卒中鬼擊及刀兵所傷血漏腹中不出煩滿欲絕雄黃一味爲粉以酒服一刀圭日三服化

爲水

治瘧方 外臺 瘧疫轉相染著至滅門延及外人無收視者

赤小豆 鬼箭羽 鬼臼 雄黃 研 丹砂各二兩 右五味搗末蜜丸如小豆大服一丸可

與病人同脉

辟瘟殺鬼丸 外臺

虎頭骨 五兩 炙 硃砂 一兩 半研 鬼臼 一兩 雄黃 一兩 半研 皂莢 一兩 炙 雌黃 一兩 半研 雄黃 一兩 右七味搗篩

以蠟蜜和彈丸大絳囊盛繫臂男左女右家中置屋四角月朔望夜半中庭燒一丸忌生血物

八毒赤丸 寶鑑 治鬼疰病

雄黃

礬石

硃砂

附子

藜蘆

丹皮

巴豆 各二兩 蟻蠱一條

爲末蜜丸小豆大每服五七丸冷水送下無時石或作礬石

紫金錠 蘇合丸 二方俱見通治

諸疸附黃汗

素問

平人氣象論濁黃赤安臥者黃疸已食如饑者胃疸目黃者曰黃疸

素問

跌陽脈緊而數數則爲熱熱則消穀緊則爲寒食即爲滿脈緊而數則有熱兼有寒故用藥亦當寒熱兼顧古方可考也尺脈浮爲傷腎跌陽脈爲傷

脾風寒相搏食穀即眩穀氣不消胃中苦濁濁氣下流小便不通陰被其寒熱流膀胱身體盡黃名曰穀疸額

上黑微汗出手足中熱薄暮即發膀胱急小便自利名曰女勞疸腹如水狀不治心中懊憹而熱不能食時欲

吐名曰酒疸 夫病酒黃疸必小便不利其候心中熱足下熱是其證也 酒疸心中熱欲吐者吐之愈 酒

疸下之久久爲黑疸目青面黑心中如噉蒜薑狀大便正黑皮膚爪之不仁脈浮弱雖黑微黃故知之 黃家

從濕得之一身盡發熱面黃壯熱熱在裏當下之 黃疸之病當以十八日爲期治之十日以上瘥反劇爲難

治疸而渴者其疸難治疸而不渴者其疸可治發於陰部其人必嘔陽部其人振寒而發熱也 黃汗之病兩

脛自冷假令發熱此屬歷節食已汗出又身常暮臥盜汗出者此榮氣也若汗出已反發熱者久久其身必甲

錯發熱不止者必生惡瘡若身重汗出已輒輕者久久必身腫即胸中痛又從腰以下必汗出下無汗膿血

病源

黃病 黃病者一身盡發熱面色洞黃七八日後壯熱口裏有血當下之法如純肝狀其人少腹內急若其
人眼睛澀疼鼻骨疼兩膊及項強腰背急卽是患黃多大便澀但令得小便快卽不慮死不用大便多即心
腹脹不存此由寒濕在表則熱蓄於脾胃腠理不開瘀熱與宿穀相搏煩鬱不消則大小便不通故身體面目
皆變黃也 利小便爲治黃總訣

急黃 脾黃有熱穀氣鬱蒸因爲熱毒所加故猝然發黃心滿氣喘命在頃刻故云急黃也

勞黃 脾臟中風風與瘀熱相搏故令身體發黃額上黑微汗出手足中熱薄暮發膀胱急四肢煩小便目利
名爲勞黃

腦黃 熱邪在骨髓腦爲髓海故熱氣從骨髓流入于腦則身體發黃頭痛眉疼

陰黃 陽氣伏陰氣盛熱毒加之故但身面色黃頭痛而不發熱名爲陰黃

癰黃 氣水飲停滯結聚成癰因熱氣相搏則鬱蒸不散故脇下滿痛而身發黃名爲癰黃

噤黃 心脾有瘀熱心主於舌脾之絡脈出於舌下若身面發黃舌下大脈起青黑色舌嚙不能語名爲噤黃

五色黃 凡人著五種黃其人冥漠不知東西者看其左手脈名手肝脈兩筋中其脈如有如無又看近手屈
肘前臂上當有三岐脈中央者名爲手肝脈兩廂者名岐脈看時若肝脈全無兩廂壞其人九死一生若中央
脈近掌三指道有如不絕其人必不死

酒疸 虛勞之人飲酒多進穀少則胃內生熱因大醉當風入水則身目發黃心中懊痛足脛滿小便黃面發
赤斑

穀疸 穀疸之狀食畢頭眩心忪怫鬱不安而發黃由失饑大食胃氣衝熏所致

女勞疸 其狀身目皆黃發熱惡寒小腹滿急小便澀由大勞大熱而交接卽入水所致也

黑疸 黑疸之狀小腹滿身體盡黃額上反黑足下熱大便黑是也諸疸久久多變爲黑疸

黃汗之爲病身體洪腫發熱汗出不渴狀如風水汗染衣正黃如柏汁其脈自沉此由脾胃有熱汗出而入水中浴若水入汗孔中得成黃汗也

諸疸方

茵陳蒿湯 金匱

穀疸之爲病寒熱不食食即頭眩心胸不安久久發黃爲穀疸此湯主之

茵陳蒿六兩

梔子十四枚

大黃二兩

右三味以水一斗先煮茵陳減六升納二味煮取三升去渣分溫

三服小便當利尿如皂角汁狀色正赤一宿腹減黃從小便去也

消石礬石散 同上

黃家日晡所發熱而反惡寒此爲女勞得之膀胱急少腹滿身盡黃額上黑足下熱因作

黑疸其腹脹如水狀大便秘黑時溲此女勞之病非水也腹滿者難治此方主之

消石

礬石燒等分

右二味爲散以大麥粥汁和服方寸匕日三服病隨大小便去小便正黃大便

正黑是候也

梔子大黃湯 同上

酒黃疸心中懊懣或熱痛此方主之

梔子十四枚

大黃一兩

枳實五枚

豉一升

右四味以水六升煮取二升分溫三服

桂枝加黃耆湯 同上

諸病黃家但利其小便假令脈浮當以汗解之此方主之

亦主治黃汗

桂枝

芍藥

甘草各二兩

生薑三兩

大棗十二枚

黃耆二兩

右六味以水八升煮取三

升溫服一升須臾飲熱稀粥一升餘以助藥力溫覆取微汗不汗更服

豬膏髮煎 同上

諸黃主之

豬膏半斤

亂髮如雞子大三枚

右二味和膏中煎之髮消藥成分再服病從小便出

茵陳五苓散 同上

黃疸主之

茵陳蒿末一錢

五苓散五分

右二味和先食飲方寸匕日三服此利小便之法

大黃消石湯 金匱 黃疸腹滿小便不利而赤自汗出此爲表和裏實當下之

大黃

黃柏

硝石各四兩

梔子十五枚

右四味以水六升煮取二升去渣納硝更煮取一升

頓服 黃疸變證者最
多此方乃下法也

麻黃醇酒湯 千金

治黃疸

麻黃三兩

以美酒五升煮取二升半頓服盡冬月用酒春月用水

黃疸方 千金

治身目皆黃皮肉黧黑出

茵陳二把

梔子二十枚

石膏一斤以水五升煮二升取二升半去渣以猛火燒石膏令赤投湯中沸定

服一升覆取汗周身以粉粉之不汗更服 燒石膏之
義甚精妙

赤苓散 千金

主黑疸身皮大便皆黑

赤小豆 三十枚

茯苓六銖切 雄黃一銖

瓜丁四銖

女薑六銖

甘草二銖

以水三升煮豆茯苓取八

合搗四味爲散和半錢服之須臾當吐吐則愈亦主一切黃

寒水石散 千金

主肉疸飲少小便多白如泔色此病得之從酒

寒水石

白石脂

括囊各五分 知母

兔絲子

桂心各三分

搗篩爲散麥粥服五分匕

日三服五日知十日差 此方不常用
聊備一格

女勞疸 千金

治黃疸之爲病日晡所發熱惡寒少腹急體黃額黑大便黑漉洩足下熱此爲女勞也腹滿者

難療

滑石研

石膏 研各五兩

爲散麥粥汁服方寸匕日三小便極利差

牛疸煎 千金

酒疸身黃黧黑出此主之

牛疸一枚

大黃八兩

芫花一升

葶花半斤

右三味以酒一升切三味漬之一宿煮減半去渣納

牛膽微火煎令可丸如豆大服一服日移六七尺不知更服一丸膈上吐膈下痢或不吐痢而愈
救急三十種黃方外靈 用雞子一顆并煨燼灰研酢一合又溫之總和頓服身體眼暗極黃者不過三顆鼻

中蟲出神效

療黃疸方外靈 取生小麥苗搗絞取汁飲六七合晝夜三四飲三四日便愈無小麥苗穢麥苗亦得

近效瓜蒂散外靈 療黃疸

瓜蒂二七枚 赤小豆七枚 生秣米二七枚 丁香二七枚 右四味搗餽重者取如大豆二枚各著一枚鼻孔中

痛縮鼻須臾鼻中澀清黃水或從口中出升餘則愈病輕者小豆大則可不愈間日復頓用效或使人以竹

筒極力吹鼻中繃不死者鼻出黃水店以前即有此法或用東腰病

麻黃連軀赤小豆湯傷寒論 治傷寒瘧熱在裏身必發黃此主之

麻黃二兩 連軀二兩 赤小豆一升 杏仁四十粒 甘草二兩 生梓白皮一升 生薑二兩

大棗十二枚 右以潦一斗先煮麻黃去沫納諸藥煮取三升分溫三服此方治傷寒餘邪未盡之黃與諸證微別

黃耆芍藥桂枝苦酒湯金匱 黃汗之爲病身體腫發熱汗出而渴狀如風水汗沾衣色正黃如漿汁脈自沉

以汗出入水中浴水從汗孔入得之此湯主之

黃耆五兩 芍藥三兩 桂枝三兩 右三味以苦酒一升水七升相和煮取三升溫服一升當心煩服

至六七日乃解若心煩不止者以苦酒阻故也一方以美生薑代苦酒此病在裏不在裏金匱等書治疸病之方最多然用

黃水酒不獨人非決破其瘻或提其黃水出淨必不除根此等病當

求展試屢驗和平輕淡之單方治之專持古方竟有全無不驗者

小建中湯見通 瓜蒂湯方見

醫志佩參 靈素

靈大惑論五臟六腑之精氣皆上注於目而爲之精精之巢爲眼骨之精爲瞳子筋之精爲黑眼血之精爲絡其窠氣之精爲白眼肌肉之精爲約束裏攣筋骨血氣之精而與脈并爲系上屬於腦後出於項中故邪中於項因逢其身之虛其入深則隨眼系以入於腦則腦轉腦轉則引目系急目系急則目眩以轉矣邪同其精其精所中不相比也則精散精散則視岐視岐見兩物目者五臟六腑之精也榮衛魂魄之所常榮神氣之所生也故神勞則魂魄散志意亂是故瞳子黑眼法於陰白眼赤脈法於陽也故陰陽合傳而精明也目者心使也心者神之舍也故精神亂而不轉卒然見非常處精神魂魄散不相得故曰惑也 素舉痛論帝曰予知百病生於氣也怒則氣上喜則氣緩悲則氣消恐則氣下寒則氣收靈則氣泄驚則氣亂勞則氣耗思則氣結陰陽氣象大論東方生風在聲爲呼在變動爲握在志爲怒怒傷肝悲勝怒所勝即五行生尅之理南方生熱在聲爲笑在變動爲憂在志爲喜喜傷心恐勝喜中央生濕在聲爲歌在變動爲噦在志爲思思傷脾怒勝思西方生燥在聲爲哭在變動爲咳在志爲憂憂傷肺喜勝憂北方生寒在聲爲呻在變動爲慄在志爲恐恐傷腎思勝恐 經論神有餘則笑不休神不足則悲血有餘則怒不足則恐 血并於陰氣并於陽故爲驚狂血并於陽氣并於陰乃爲癡中血并於上氣并於下心煩惋善怒血并於下氣并於上亂而善忘以上情志

不臥多臥

靈邪客篇黃帝問於伯高曰夫邪氣之客人也或令人目不瞑不臥出者何氣使然伯高曰五穀入於胃也其糟粕津液宗氣分爲三隧故宗氣積於胸中出於喉嚨以貫心脈而行呼吸焉榮氣者泌其津液

情志

注之於脈化以爲血以榮四末內注五臟六腑以應刻數焉衛氣者出其悍氣之悍疾而先行於四末分肉皮膚之間而不休者也晝日行於陽夜行於陰常從足少陰之分間行於五臟六腑今厥氣客於五臟六腑則衛氣獨衛其外行於陽不得入於陰行於陽則陽氣盛陽氣盛則陽蹻陷不得入於陰陰虛故目不瞑黃帝曰善治之奈何伯高曰補其不足瀉其有餘調其虛實以通其道而去其邪飲以半夏湯一劑陰陽已通其臥立至大惑論黃帝曰人之多臥者何氣使然岐伯曰此人腸胃大而皮膚濕而分肉不解焉善食人多善臥往往如此黃帝曰卒然

多臥者何氣使然岐伯曰邪氣留於上焦閉而不通已食若飲湯衛氣留久於陰而不行故卒然多臥焉

不夜眠不晝眠 靈榮衛生會篇黃帝曰老人之不夜眠者何氣使然少壯之人不晝眠者何氣使然岐伯答

曰壯者之氣血盛其肌肉滑氣道通榮衛之行不失其常故晝精而夜眠老者之氣血衰其肌肉枯氣道滯五

臟之氣相搏其榮氣衰少而衛氣內伐故晝不精夜不眠 寒熱病篇陽氣盛則瞋目陰氣盛則瞑目

不得臥 素逆調論不得臥而息有音者是陽明之逆也足三陽者下行今逆而上行故息有音也陽明者胃

脈也胃者六腑之海其氣亦下行陽明逆不得從其道故不得臥也下經曰胃不和則臥不安此之謂也夫起

居如故而息有音者此肺之絡脈逆也絡脈不得隨經上下故留經而不行絡脈之病人也微故起居如故而

息有音也夫不得臥臥則喘者是水氣之客也夫水者循津液而流也腎者水臟主津液主臥與喘也 以上誤入於陰經亦多臥

靈淫邪發夢篇陰氣盛則夢涉大水而恐懼陽盛則夢大火燔燔陰陽俱盛則夢相殺上盛則夢飛下盛則夢

墮甚饑則夢取甚飽則夢予肝氣盛則夢怒肺氣盛則夢恐懼哭泣飛揚心氣盛則夢喜笑恐畏脾氣盛則夢

歌樂身體重不舉腎氣盛則夢腰脊兩解不屬 素脈要精微論活蟲多則夢聚衆長蟲多則夢相擊毀傷 以上

情志臥夢方

半夏秫米湯 靈樞 以流水千里以外者八升揚之萬遍取其清五升煮之炊以葦薪火沸置秫米一升治半

夏五合徐炊令竭爲一升半去其滓飲汁一小杯日三稍增以知爲度故其病新發者覆杯則臥汗出則已

矣久者三飲而已也 漢時一斗僅今二升余親見古銅量一枚較準如此

半夏麻黃丸 金匱 心下悸者此主之

半夏 麻黃等分 右二味末之煉蜜丸小豆大飲服三丸日三 此治飲在心下者

桂枝救逆湯 同上 火邪者主之

杜枝三兩

甘草四兩

生薑三兩

牡蠣五兩

龍骨四兩

獨活三兩

大棗十二枚

右七味末之

以水一斗二升生煮蜀漆減二升納諸藥煮取三升去渣溫服

黃連阿膠湯傷寒論

治少陰病心中煩不得臥

黃連四兩

黃芩二兩

芍藥二兩

阿膠二兩

雞子黃二枚

右五味以水六升先煮三物取二升去

渣另阿膠烱盡少冷納雞子黃攪和溫服七合此治腎氣沖心之不得臥故清心火以滋腎氣

酸棗仁湯金匱

治虛勞虛煩不得眠

酸棗仁二升

甘草一兩

知母

茯苓

川芎各二兩 右五味以水八升先煮棗仁取六升納

諸藥煮取三升分溫三服同一心煩不眠而用藥則何醫者之多不審也 此方外雖有加乾薑者亦可採取

溫膽湯千金 治大病後虛煩不得眠此膽寒故也宜服

半夏

竹茹

枳實各二兩

橘皮三兩

生薑四兩

甘草一兩

右六味咬咀以水八升煮

取二升分三服又一不眠之症方中一味生薑已足散膽中之寒庸醫則必以熱藥溫膽須知病為清虛之腑無用熱補之理也

治多忘千金

菖蒲二分

茯苓

茯神

人參各五分

遠志七分

右五味治下餽酒服方寸匕日二夜一

五日後知神良

枕中方千金 治好忘

龜甲炙

龍骨

遠志去心

菖蒲等分

右四味治下餽酒服方寸匕日三常服令人大聰

鎮心省睡益智方千金翼

遠志五十兩

益智子

菖蒲各八兩

右三味爲末以淳糯米酒服方寸匕一百日有效秘不令人知

療虛煩不可攻方外臺

青竹茹二升以水四升煮取三升去渣分溫五服

楊子鼓湯

見傷寒

補心丸

天王補心丹

鎮心丸

以上三方俱見通治

五穀病

耳目鼻口齒

靈樞

靈脈度篇五臟不和則七竅不通

耳

靈素

靈厥氣篇精脫者耳聾 液脫者耳數鳴 素繆刺論邪客於手陽明之絡令人耳聾時不聞音刺手大指次

指爪甲上去端如韭葉許各一瘡立聞不已刺中指爪甲上與肉交者立聞其不時聞者不可刺也 此乃邪氣入

之症故耳聾刺手陽明不已刺其通脈出耳前者

病源

耳聾 津液爲風熱所乘結軀成丸塞耳

耳方

補腎治五聾方

千金

治勞聾氣聾風聾虛聾毒聾如此久聾耳中作聲

草麻仁五分

杏仁去皮尖

桃仁去皮尖

蠟八分

菖蒲

磁石各一兩

巴豆仁

一分去皮心熬石鹽三分

附子泡

通草各半兩

薰陸香一分

松脂二兩半

右十二味先搗諸草石等令細別搗諸仁如脂加松

脂及蠟合搗數千杵可丸乃止取如棗核大綿裹塞耳一日四五度出之轉捻不過三四度日一易之

靈素丸

治腎虛耳聾或風邪入於經絡耳內虛鳴

肉蓯蓉

山黃肉

石龍芮一名胡

石菖蒲

兔絲子

羌活

鹿茸

石斛

磁石

附子各一兩

全蠍

七個

麝香

半字

右爲末煉蜜丸梧子大丸每服百丸空心酒下或鹽

湯下

辟香佛手散 奇效

治五般耳出水者

辟香少許

人牙 用過在性出火毒以人牙換石首魚鱗亦真

右爲細末每用少許吹耳內即乾及治小兒痘瘡出現腫者酒調

一字服之即出

磁石猪腎羹 養老書

以酒老人久患耳聾養腎臟強骨氣

磁石 一斤碎水淘去赤汁解其

猪腎 一對去脂膜細切

右以水五升煮磁石取二升去磁石投腎調和以葱豉薑椒作

羹空腹食之作粥及入酒並得

通耳法 調生

磁石 用緊者如豆大一塊穿山甲燒存性爲末一字

右用新綿紙裹了塞耳口中銜少許鐵覺耳內如風雨即愈一方用班毛

一個巴豆二粒研細綿裹塞耳痛取出

按此症如有火者服清火藥腎虛者服補腎藥隨症施治無定方也

目

靈素

靈論疾診尺篇診目痛赤脈從上下者太陽病從下上者陽明病從外走者少陽病 決氣篇氣脫者目不明

素解精微論夫風之中目也陽氣內守於精是火氣燭目故見風則泣下也

目方

七寶散 千金

主目腎經年不愈方

琥珀

珠子

珊瑚

決明子

紫貝

石胆

馬河各二分 硃砂二分

麝仁五錢

右爲細末傳目中如小豆大日三大瓦

去腎方 千金

貝子 十枚燒灰

右爲末取如豆著腎上日再正仰臥令人傳之如炊一石米久乃拭之有息肉

者加珍珠如貝子等分研如粉

補肝丸千金主明目

地膚子 藍子

漢藥子

車前子

瓜子

兔絲子

羌活子各二兩

黃連二兩半

青箱子一合 大黃二兩

決明子

細辛

螢火蟲各五合

桂心五分

右十四味搗篩煉蜜和丸

飲服如子大下十五丸可加至二十丸慎生冷油蒜等物眼暗神方也

磁珠丸倪微德原機啓徵集治神水寬大漸散昏如霧露中行漸觀空中有黑花觀物成二體及內障神水淡綠色淡白色

及治耳鳴及聾

磁石二兩 辰砂二兩

神龜三兩生

右三味更以一兩水和作餅煮浮入前藥煉蜜丸每服十丸加至

三十丸空心米湯下

石斛夜光丸 治神水寬大漸散昏如霧露空中有黑花觀物成二神水淡綠淡白色者

天門冬二兩 兔絲子七錢 人參

茯苓各二兩 甘菊

山藥

枸杞

石斛

杏仁各七錢 草決明八錢 麥冬

熟地

生地各一兩 肉蓯蓉

青箱子

羚羊角每

葵藿 川芎 甘草炙

黃連

防風

枳殼

烏犀鎔各五兩

牛膝七錢半

右二十四味爲細末煉蜜丸如桐子大每服三十五丸溫酒鹽湯送下

眼科藥不
外此諸味

羚羊角散局方 治風熱毒上衝眼目暴發赤腫或生瘡疼痛隱澀羞明

羚羊角鎔 車前子 甘草

黃芩

川升麻各二兩

決明子二十枚

龍胆草去蘆

山梔仁各五兩

右爲細末每服一錢食後溫熱水調下日進三服小兒可服五分

蟬花散局方 治肝經蘊熱風毒上攻眼目翳膜遮睛赤腫疼痛昏暗視物不明隱澀難開多生眵淚內外障

眼